

重校
箋註

錢牧齋全集

四



有學集補

遺二卷

中華民國十四年二月再版

重校錢牧齋全集(全四十冊)

連史紙每部定價洋十八元
有光紙每部定價洋十元



分售處

重校者 吳興王文濡

發行者 文明書局

印刷者 文明書局

發行所 上海文明書局

發行所 上海棋盤街中華書局

北京 天津 張家口 保定 石家莊 濟南 太原 開封 西安 成都
重慶 長沙 常德 衡州 漢口 武昌 沙市 南昌 九江 安慶
中 華 書 局

蘇州 杭州 寧波 廈門 廣州 汕頭 潮州 雲南 奉天
吉林 煙台 鄭州 青島 東昌 徐州 蘭州 貴陽 長春 新加坡

上海文明
書局藏版

有學集補遺目錄

卷上 詩

題漢間陳君引兒小像

贈舊令鍾黃初

鄧母六十壽

壽徐彥博七十

秋日小叙

題某寺

新建滕王閣四首

賀楊子常七十生

贈陳子到六十二首

浴佛十韻

朱璞菴游虞山賦贈

題壽圖

爲汪然明題午睡圖

贈某將軍圖

贈孫子長五十二首

和元微之雜憶詩十二首

壽葉白泉二首

贈某開府誕日三首

送王楚先大行

贈友

句曲逆旅爲相士題扇

族侄用佛六十

張伯起六十

顧仲白六十

贈王石谷

佟中丞壽詩八首

孫孝若九三十初度

贈管調陽

和陸彥修乙未改步漫興八首

孫光甫七十二首

壽友人

贈閩帥王振宇

贈義翁張父母五十初度四首

贈女道士二首

朗翁小飲賦此志感

朗翁過我話舊贈此

邁公還山

邁公壽

王懶髯五十

爲金爾支題墨梅

題楊無補小像

懷長姑大人二首

陳漢間四十

趙秋屋遠遊

贈某使君

高孝子詩

跋遵王絕向二首

戲題吾炙集後

卷下 文

漢武帝論上

漢武帝論下

一匡辨上

一匡辨下

書東坡延州吳季子贊後

記雲間鳳凰山脩復三星堂事

書沈節母事

書黃正義扇

福先五子字辭

黃扶木字說

呂留侯字說

尊王四子字叙

茶供說贈朱汝圭

香觀說書徐元歎詩後

書羅近溪記張賓事

書捨田冊子

回金湯主人戲論

諭湖南淨慈寺僧

大佛頂首楞嚴經疏解蒙鈔錄始

後記

重記

爲柳敬亭募葬疏

復吳江吳赤溟書

復王奉常書

李香嚴藥香幢閣序

龔孝升過嶺集序

霜哺篇墨蹟卷總目序

贈王平格序

有學集補遺卷上

牧齋全集第三種

詩

題漢閒陳君引兒走馬看桃花小像

挾策橫經自妙年陳琳書記本翩翩白猿劍術枝頭授黃石兵符圯上傳玉雪
佳兒遺虎爪臙脂侍女拭龍泉若耶溪畔春游日萬樹桃花照錦韉

紫陽朱璞菴來游虞山賦贈

儒者風流百代尊紫陽奕葉有聞孫菁莪久擅虞庠譽苜蓿仍銜豐芑恩夢裏
褒衣猶魯衛懷中素簡自乾坤好從言子盟壇跡歸與諸生共討論

贈舊令鍾黃初

兒童竹馬鬧江鄉枳棘重看下鳳凰去日扁舟餘片石來時東壁有胡床意珠
尚洒行車雨心燭猶分比屋光老病末由攀轍跡摩挲庭樹想甘棠

虞山 錢謙益 牧齋 撰

題壽圖

一飲瓊漿使得仙丹沙擲地變桑田羊家舊贈看跳脫茅氏新宮傍易遷金母
玉妃爲伴侶星娥月姊是齊年畫輪降處花千朶歷亂官梅插壽筵

鄭母六十壽

節母清貞帝子遺賢郎能補白華詩百年黃鵠羈栖日七夕青鸞燕喜時霜髮
如銀明漢水冰心化石傍機絲表門雙闕烏頭在莫訝桑田變海遲

爲汪然明題宛仙女史午睡圖

臥君沉檀之方床嗅君天機之名香釵掛袖拂羅帶地文簾玉枕齊鋪張腰踈
欲融倚無力黛消曼綠圍退黃楊花燕子相勾引栩栩一夢隨春陽護情依然
守窮袴癡嚙誰敢褰羅裳陽台雲雨無處所橫陳何似留君傍留君旁兮魂周
章何所思兮在高唐身外有身君不見夢中說夢誰能詳回頭侍女莫相妬妾
身自遇楚襄王

壽徐彥博七十

清琴濁酒傍林泉，城北徐公世共傳。
企脚胡床閒步月，過頭拄杖小神仙。
妻儲斗粟供炊餉，兒舁萊輿候醉眠。
却喜黃楊常遇閏，從他桃李自芳年。

贈某將軍

玉帳牙旗細柳營，戟門高面具區清。
旄倪萬衆歡聲誦，組練千羣紀律明。
傳檄狼烟消尺幅，端居卉服仰長城。
自今東海無驚浪，手挽天河洗甲兵。

秋日小叙

叢桂淮南招隱新，秋風瓜果會嘉賓。
經年種菜青春老，前度看花紫陌塵。
九日正憐吹帽客，黃花猶賦渡巾人。
酒闌不盡英雄思，跨下橋邊酹一尊。

贈孫子長五十

丁亥秋

荷衣蕙帶想風流，少日聲華在鳳樓。
得句標題新甲子，著書削稿舊陽秋。
昭明台畔龍吟杳，齊女墳前鳳吹愁。
北陌東阡共還往，莫臨陳迹感悠悠。

其二

持螯把菊好行杯
眼底滄桑付劫灰
越國自驚章甫異
吳儂漫詫好冠來
空傳石馬嘶唐去
誰見金人別漢迴
明想天台應有賦
江關莫作子山哀

題某寺

細雨諸天洒梵林
石門昔夢靜思尋
三人互剪繡經燭
一雨初收看論金
烏集長干多劫淚
鷄鳴後夜五更砧
梅花東閣垂垂發
陽長方知佛力深

和元微之雜憶詩二十首

春燈試罷早梅開
風景吹人次第來
憶得隔牆明月夜
滿身花霧立蒼苔

其二

黃綾方勝繫紅絲
裏疊相思在此時
憶得玉環初解贈
叮嚀記我耳邊垂

其三

愁到無愁恨轉生
侍兒欲喚却忘名
憶得阿圓來送酒
隔樓聞詠玉樓聲

其四

粧成忽報櫓聲催，欲別堂前首重迴。
憶得徘徊難寄語，向人佯道幾時來。

其五

雁頭箋杳却三秋，惆悵佳晨似水流。
憶得早寒鬢未整，爐香親送一停眸。

其六

經年阻隔似銀河，一見相看掩翠娥。
憶得門前方問訊，憑欄低語淚痕多。

其七

相思無地恨偏長，歛衽纖纖拜覺皇。
憶得証明通姓氏，因緣都仗一爐香。

其八

全憑雙鯉寫相思，二六時中數寄詞。
憶得封緘編甲乙，要予裁報莫參差。

其九

情魔難遣病魔侵，不爲陽明變厥陰。
憶得良醫多未識，凡方何用寫黃芩。

其十

姊妹行中笑語稀春懷多被野蜂知憶得掩關寒食夜月明人靜兩相疑

其十一

曉涼天氣麥秋時手折花枝慰所思憶得奚奴傳好語平安欲報幾驚疑

其十二

香焦金鴨是離情三月花開百媚城憶得樓中人乍起曉鶯殘月半天明

江右蔡中丞新建滕王閣四首

高閣臨江著永徽中天金碧又翬飛參差鶴嶺增朝爽迴抱龍沙長夕暉舊館
笙簫雲外駐長洲鸞珮月中歸吾衰亦似昌黎老登望何當與願違

其二

登高能賦起遐思勝餞爭傳絕妙詞聳翠流丹仍此地物華天寶又何時千年
劍氣龍來遠半夜簫聲雁去遲宴罷使君仍弔古蝸黃苔綠訪殘碑

其三

雕欄朱檻俯南昌萬井風烟擁豫章五老遏雲流几席九江去鴈接帆檣仙家鐵柱凌灰刼帝子珠簾送夕陽却憶道園燈火夜隔離呼酒說干將

其四

崇構爭傳蔡撫軍飛樓傑閣起氤氲檻簷小試擎天手礎礪平看柱地勛雨霽西山邀落日虹銷南浦數飛雲檐帷棨戟君何有佇看千秋琬琰文

次白石翁韵壽葉白泉二首

竹柏高標豈易零北窗晞髮理星星任教物理見爲乙猶記平生斗指丁命侶許浮新釀綠攤書唯賸舊氍毹青杖藜容與神仙樂服食寧須草木靈

其二

貞元朝士總凋零南極芒寒見一星天地烽烟猶帶甲衣冠鄉里但呼丁宣雲古鎮旄麾赤綠竹高齊汗簡青檻外玉山常對酒移文不愧草堂靈

賀楊子常七十生子

明珠光照海東偏
仙子生遲事果然
此日講堂看鯉集
他時玄草得烏傳
楊梅已託君家果
湯餅兼開七十筵
抱送不須誇孔釋
老夫摩頂是彭錢

贈某開府誕日

休光籍籍著蘭台
爲靖全吳特簡來
千里行師如枕席
南來生聚出栽培
擎天共仰霜中檜
愛日催開雪後梅
問道仙喬殊未散
相將一泛系霞杯

其二

即看玉燭幾回調
騶輻輕塵絳節遙
輿誦新傳管開府
雄風舊數漢嫖姚
樂郊寒近時驅馬
挾纈情深好賜貂
爲報懸弧春正永
綳衣釋仗教吹簫

其三

兩年節鉞惠吾吳
袍血初乾待剖符
南國競騰慈母頌
西京遙望慶雲呼
酬功指水稱如帶
獻壽增山擬佩壺
會待黃金看鑄像
誰容畫入五湖圖

贈陳于到六十二首

秋風瓜圃會比隣旨酒長筵燕喜新老馬看花論壯歲關門種菜笑閒身塵中度世非今我劫外觀河是昔人狼五中山仙侶在朱顏應與駐餘春

其二

琴心閒靜鶴身清禪榻茶烟一縷輕映日珠簾知氣象摩天銅柱想風聲江妃醉頌觀濤賦雲將能知食蛤情却羨孔璋飛檄手肯拋書劍事躬耕

送王楚先大行

絳節朱衣驛路香桃花細雨帶恩光使臣計日趨薇省才子行春上栢梁風暖螭頭吟芍藥塵清豹尾賦長楊漢廷更祝班聯近雲母屏深御座旁

浴佛十韻

隨喜出郊壩欣同浴佛緣可應三劫後重紀二莊年夏日明金像春城誦法筵灌瓶分大海澡豆雨諸天鳥語參歌笑人聲夾管絃看場支項背游女踏行纏